

Quamdiu igitur christiana principia omnia negant, cum iis et pro iis agendum ac orandum, sicut factum semper est in Ecclesia et fit cum gentilibus et pro gentilibus. Proponenda eis fides est sub motivis credibilitatis luculentissimis et orandum pro eis, ut lumine gratiae illustrentur; sed certe disputatio cum eis non pertinet ad tractatum theologicum de Incarnatione, nisi quatenus forte difficultates speciales et huic tractatui propriae essent dissolvendae. Cf. S. Th. 1. q. 1. a. 8.
b) Asserenda pariter erat ac vindicanda veritas et integritas humanae naturae quam Verbum assumpsit, adversus Docetarum sectas, Arianos deinde et Appollinaristas. c) Definienda vera unionis ratio adversus Nestorianorum disiunctionem et Monophysitarum confusionem, e quorum prioribus Adop-tiani, ex posterioribus Monotheletae velut ex fonte rivi defluixerunt. d) Christi mediatoris per assumptam humanam naturam singulari genuina relatio ad humanam naturam universam in disputationibus adversus hos omnes haereticos illustrata est. Neque enim vel in uno ex commemorationis tribus capitibus errari potest, quin mediationis ratio, ut in Scripturis et in traditione proposita est, simul pervertatur.

Sive igitur revelata doctrina de Christo in se spectetur, sive consideretur polemice prae modo oppugnationis atque inde consecutae defensionis et illustrationis per omnes Ecclesiae aetates, divisio tractatus proposita tum sua simplicitate sponte se offert, tum sua amplitudine et congruentia cum revelatae doctrinae fontibus non parum se commendat.

SECTIO I.

DE DIVINITATE PERSONAE QUAE MANIFESTATA EST IN CARNE

THESIS II.

Iesu Christi eminentia super omnem creaturam et praecoxitentia ante omnem creaturam.

Ex Scripturarum doctrina plane evidens est, Iesum Christum, quem ut Filium hominis in tempore natum et in terris conversatum esse sine demonstratione nunc sumimus, non merum hominem esse, sed dignitatem et naturae alienius quavis sive humana sive angelica longe praestantioris, eundemque secundum hanc naturam sublimiore temporariae suas nativitatis immo rerum omnium creationi praexstitisse.»

Scripturarum doctrina luculenta est, ut paucis eam innuisse sufficiat eo vel magis, quod hanc thesim non nisi sequentium preparationem esse volumus.

I. Eminentiam super creaturas hic adhuc spectamus solum in comparatione *Filiū Dei* cum omnibus, qui in ordine creato natura et gratia excellunt. Si in his comparationibus spectetur solum declarata eminentia super creaturas existentes, ex illis evidenter demonstratur, hominem Iesum non esse merum hominem, sed praeterea excellentioris dignitatis et quidem dignitatis fundatae in ipsa excellentiori natura. Si vero spectetur modus illarum comparationum, in iis iam includitur demonstratio divinitatis, de qua in sequentibus distincte acturi sunus.

Aperte profitetur Filius ille hominis quantumvis repugnantibus Iudeis, dignitate et gloria a Deo Patre accepta maiorem se esse Abrahamo, a quo et ipse secundum generationem temporalem traxit originem Io. VIII. 52-56; maiorem Moyse et omnibus prophetis; hoque ideo quia ipse est « Filius unicus charissimus », in cuius comparatione illi sunt famuli ac servi Marc. XII. 6; postulat, ut ita credant ac profiteantur sui discipuli, hancque fidem docet esse donum coeleste Matth. XVI. 13-17.

Apostoli paecones fideles ita praedicanter, esse scilicet Iesum Christum ut Filium super domum Israel et domu

auctorem amplioris gloriae p[re]a Moyse, qui est famulus et simpliciter unus de familia Filio subiecta Heb. III. 3-6; esse excellentiorem omnibus angelis, quantum Filius p[re]stat ministris; et esse « super omne nomen, quod nominatur non solum in hoc saeculo sed etiam in futuro » Heb. I. 4-14; Eph. I. 21; 1. Pet. III. 22.

In hisce locis ubique comparatur Iesus Filius hominis cum omnibus iis, qui natura, gratia, auctoritate, dignitate eminent in ordine creato, qui ex illis dotibus ipsi non raro dicuntur et vero aliquo sensu sunt filii Dei. Nihilo tamen secus in comparatione cum Domino Iesu omnes sunt ministri et servi, ipse solus Filius Dei est; non eius ergo ordinis, cuius sunt ipsi, sed alterius sublimioris. Non enim dicitur esse Filius Dei una cum ipsis sive angelis sive hominibus, et solum potiori iure in eodem tamen ordine Filius; sed in comparatione ipse solus est Filius, reliqui omnes quamvis tum nobilitate naturae a Deo creatae tum maxime donis gratiae, legatione divina, munere etc. per se spectati sint filii Dei, comparati tamen cum ipso vel non filii sed servi dicuntur, vel si quando non compareat sed subordinate ad ipsum nominantur filii, haec filiatio disserte exhibetur ut derivata per gratiam ab ipso, qui est Filius Dei unigenitus Io. I. 12; Rom. VIII. 29; Gal. IV. 47. Quare non dignitate solum accersita et per gratiam communicata, sed ipsa sua natura Jesus Christus ut Dei Filius eminet super totum ordinem creatum et super omne nomen; quantumcumque enim ad dignitatem filiorum creaturae elevatur per gratiam, manent in familia Dei subdita, ipse autem ut Filius habet familiam totam subiectam.

II. Eiusdem qui in tempore natus est, demonstratur praecexistens ante hanc temporiam nativitatem.

Praecursor Ioannes Baptista testatur, Iesum qui ad ipsum inter turbas hominum venerat Nazareth, « de sursum » et de coelo, atque ideo esse non modo super ipsum sed super omnes Io. III. 31. 32. Idem Jesus docet Iudeos, se ipsum, cuius illi putabant patrem et matrem novisse, descendisse de coelo. Cum populus eius verba sensu proprio intelligeret, quod affirmaret existisse se in coelo,

antequam in terris versaretur (quid enim aliud verba significare possunt?), hunc sensum confirmat et huius rei fidem postulat ita, ut simul doceat hanc fidem in ipsum dominum esse Patris coelestis Io. VI. 41-47; cf. VIII. 21-23. Unde suum in coelum ascensum fore ait redditum illuc, ubi erat prius Ib. VI. 58-63; XVI. 28-30.

Quod autem mirabilius videri debuit et ex numero creaturarum omnium eum eximit, hunc descensum et ascensum non ita vult intelligi, quasi ex coelo discesserit; sed dum visibilis et verus homo factus est in terra, qui est ipse descensus e coelo, simul se in coelo esse affirmat Io. III. 13. Qua doctrina is ipse, qui humanam habet naturam circumscriptam spatio, simul secundum aliam naturam nullo loco definitum se esse declarat. Quod de spatio et loco, hoc idem doceat de sua relatione ad tempus. Qui ante quinquaginta annos nondum elapsos recenti memoria natus fuerat adeoque certe in tempore est et ex tempore, fidem postulat, ut eum fuisse credamus ante Abraham immo ante omne tempus. Cum enim Iudaei ex propositione: « Abraham vidit diem meum », inferrent alteram velut absurdam: « quinquaginta annos nondum habes, et Abraham vidisti? » Christus hoc ipsum affirmit asseverations gravissima et ea verbi forma, quae excludens temporis differentiam illi soli in Scripturis tribuitur, cuius nomen est *Ego sum: « amen, amen dico vobis, antequam Abraham fieret, ego sum. »* Eminenter hunc sensum verbi *sum* demonstrat tum oppositio inter existentiam Abrahae quae *facta est*, et existentiam eius qui est simpliciter, tum modus intelligendi Iudaeorum, qui colligitur ex facto: « tulerunt ergo lapides, ut iacerent in eum » Ib. VIII. 56. sq. (cf. Lev. XXIV. 16), tum Evangelistae narrantis consilium (cf. c. I. Evangelij).

III. Praecexistens exhibetur in comparatione cum creatione universi. Si cui praecexistens ante conditionem rerum omnium superioribus non satis explicite enuntiata videtur, conferat testimonia Christi et Apostolorum, ubi creatione et initium mundi disserte componitur cum Christo vel simpliciter praecexistente, vel cum ipso ut creator est.

Nondum appellabimus ad initium Ev. Ioannis; ibi enim

argumenta omnia per Scripturam dispersa, quibus ipsa divinitas personae Christi demonstratur, in unam velut summam collecta esse, alio loco opportunitori videbimus. Nunc introductione aliqua uti nobis liceat. Filius itaque hominis morti iam proximus profitetur Io. XVII. 5. 24, se claritatem habuisse apud Patrem, antequam mundus esset, claritatem autem illam dicit, cuius visio sit merces promissa Apostolis et fidelibus.

Sociniani et Rationalistae respondere solent, id quod Christus ait: « clarifica me claritate quam habui, priusquam mundus esset, apud te, » intelligi posse ac debere de praedestinatione claritatis in consilio divino. At haec verborum detorsio vetustis iam haereticis familiaris plene confutata est a Novatiano de Trinit. c. 16. al. 24. (Galland. Bibl. T. III. p. 299.). « Si, inquit, antequam mundus esset, gloriam habuit apud Deum, et claritatem tenuit apud Patrem, ante mundum fuit; nec enim habuisset gloriam, nisi ipse prius fuisset... Sed enim homo gloriam ante mundi institutionem habere non potuit, qui post mundum fuit; Christus autem habuit, ante mundum igitur fuit: non igitur homo tantummodo fuit, qui ante mundum fuit... Nec praedestinatio ista dicatur, quoniam nec posita est, aut addant hoc, qui hoc putant; sed vae est adiicientibus quomodo et detrahentibus positum; non potest ergo dici, quod non potest adiici. Sublata ergo praedestinatione quae non est posita, in substantia fuit Christus ante mundi institutionem. » Ad hoc argumentum ex obvia verborum significacione adicunt Novatianus deinde alterum ex eo, quod Christus aliquid exsors et singulare sibi tribuit ea particula « ante constitutionem mundi, » praedestinationis autem aeternitas nihil esset ei peculiare. Ceterum res est clara ex verbis ipsis; neque enim *possessio gloriae*, ut est hoc loco, potest dici aeterna ratione aeternae praedestinationis. Nam divinus quidem actus electionis Eph. I. 4. et qui idem est, actus donationis quatenus consideratur in Deo, aeternus est; at *possessio* sive *gratiae sive gloriae* quae est praedestinationis effectus, non profecto ab aeterno est sed in tempore manifestatur. Confer

2. Tim. I. 9. 10. ubi describitur actus praedestinationis aeternus ex parte Dei, et eius effectus temporarius in nobis, rei scilicet ab aeterno praedestinatae *possessio* in tempore: « secundum propositum et gratiam quae data est nobis (in proposito) in Christo Iesu *ante tempora sacularia, manifestata est autem nunc* per illuminationem (apparitionem, adventum δια της ἐπιφύσεως) Salvatoris nostri Iesu Christi. » Sicut Io. XVII. 5. *possessio claritatis* dicitur ab aeterno, ita hic a Paulo aeternus dicitur *actus donationis in Deo*; sed *possessio* seu *effectus manifestatus* incipit in tempore. Hoc modo Augustinus distinguens solet inter gratiae praeparationem in Deo, quae est ab aeterno, et inter gratiae possessionem seu collationem in tempore; de qua re diximus in Tractatu de Deo th. LVII.

Nulla declaratione indigent testimonia, ubi, qui sanguinem suum fudit in cruce, exhibetur ut creator rerum omnium: ipse est per quem condita sunt universa visibilia et invisibilia, et ipse est ante omnes, in quo omnia constant et consistentiam habent Coloss. I. 16. 17. 20; Filius per quem Pater locutus est novissime diebus istis, idem est per quem creavit saecula resque omnes in tempore existentes, de ipso enim scriptum est: tu Domine in principio terram fundasti Heb. I. 2. 3. 10.

Universis tota doctrina Christi et Apostolorum eius hunc unum habet sensum clarissimum, quo reieeto nullus amplius subest, Iesum qui saepissime se profitetur legatum et ministrum Patris, simul esse Dominum super omnem rationem ministerii, ex sua propria dignitate Filii Dei eminentem super omnia creata, quae universa ab eo pendunt et ei subsunt; esse simul in terra circumscriptum loco, et in celo ac terra sine ulla locorum definitione; esse natum hominem ante non multos annos, et simul esse ante omne tempus; esse in opprobriis ex tempore, et in gloria antequam quidquam esset creatum; creata omnia suprema et infima per ipsum esse coepisse. Negari igitur nullo modo potest illud quod in thesi enuntiavimus, ab ipso Christo et ab eius Apostolis clare et evidenter praedicatum et in ss. Scripturis consignatum esse.

THESS. III.

*Declaratur vis argumenti quod ducitur pro dicinitate
Iesu Christi ex nominibus Deus et Filius Dei.*

* Quamvis arguments Scripturae, quibus divinitas Iesu Christi demonstratur, nec unice vel potissimum ad appellationem *Dei et Filii Dei* per se et extra contextum spectata redigantur, non ea tamen est in usi loquendi biblico horum nominum ambiguitas, qualon *Sociniani* post alios haereticos, ut argumentorum vim eluderent, asseruerunt. Demonstrari enim potest, 1^o nomen *Dei* praeter unum Denum Patrem et Filium et Spiritum Sanctum nemini umquam in numero singulari ab sacris Scripturis adtribui simpliciter et sine expressa restrictione et impropteris significacione; 2^o in universis Scripturis praeter unum *Filium Dei*, qui est Iesus Christus, nullam personam singularem et definitam ex propria ss. scriptorum sententia appellari *Filiu Dei*, nisi fortasse ratione typi, quem gerat ipsius Iesu Christi; 3^o falsum esse nomen *Fili Dei* aetate Christi fuisse vulgassisimum, quo tamquam proprio non secus ac nomine *fili David* Messiam designare conseruerint Iudei etiam illi, qui non alium Christum exceptarent, quam regni Iudaici potentissimum restauratorem cumque merum hominem.

Significatio nominum praesumitur quidem propria, quamdiu inopria non demonstratur. Affirmare igitur Scripturas, quae ad nostram doctrinam scriptae sunt (Rom. XV. 4.), nominibus augustissimis ubique et constanter uti sensu inoprio in ipsis fidei fundamentis declarandis, idque affirmare propterea, quod ea nomina inoprietatem per se non excludant et fortasse aliquando sensu inoprio revera reperiantur adhibita, profecto inepta est disputatio. Si tamen significacionis propriae, quae merito praesumitur, postulatur positiva demonstratio, multo ineptius est hanc redactam velle ad ipsa nomina per se spectata, ut scilicet ostendatur ea ex sese significacionem inopriam nullam admittere, siquidem ex contextibus, ex parallelismis, ex praesidis interpretationis internis ceteris et externis demonstrari potest, in illis locis, de quibus controversia movetur, ea nomina suam propriam retinere significacionem. Omnium autem absurdissimum est exigere, ut res tota unice vel potissimum revocetur ad disputationem de nominibus quibusdam,

quando argumenta suppetunt lucidissima, quibus id quod quaeritur, demonstrari potest praecisione facta ab huicmodi nominibus, qua demonstratione posita nominum deinde significatio per sese patet. Atqui haec omnia absurdia gradu summo inducentur, si quis demonstrationem divinitatis Iesu Christi ita postularet, ut ex nominibus Dei et Filii Dei per se spectatis eam unice vel potissimum confici vellet. Huic ergo disputationi revocanda non est.

Quae quamvis ita sint, non tamen undequaque probamus, quod ad obiectiōnē, nomen Dei et Filii Dei in Scripturis etiam angelis et hominibus adtribui, responderi solet distinguendo: tribuitur, inquit, sensu alio et improprio, concedo; tribuitur eodem sensu ac ipsi Christo, nego. Responsio sine dubio vera est, sed parumper confusa, quae modum diversum attributionis horum nominum distinet non exhibet, et propterea tricas omnes non radicitus excindit. Quare post diligens omnium locorum examen ex quibus difficultas ea formari posset, obiectiōni iis verbis conceptae negando occurrentum esse dicimus. Ad huius responsionei sensum declarandum et veritatem demonstrandam praesens thesis pertinet.

Qui huic indagini viam praemonstrat simulque rei gravitatem persuadeat, auctorem habemus ipsum s. Paulum Heb. I. 5. Hoc enim loco Apostolus non solum sermonem habet de modo, quo Christus appellatur *Filius Dei*, sed ipsum nomen de nullo alio, neque de angelo in universis Scripturis V. T. umquam dictum esse affirmare videtur. De hoc eodem usi Scripturarum quoad nomen *Dei* expressus admonet s. Irenaeus l. III. cc. 6. et 19 (al. 21), et idem quoad nomen utrumque *Deus* ac *Filius Dei* indicat Origenes verbis licet minus expressis in fragmento, quod in sua apologia conservavit s. Pamphilus (Opp. Orig. ed. Ruaci T. IV. p. 99.). Origenes quidem ait, unum esse qui est semper et inseparabiliter *Filius*, quamvis multi suscipiendo in se *Filiu* potestatem acceperint, ut fierent *fili* *Dei*: « propter quod quantum differentiam verus *Deus* habet ad eos, quibus dicitur: ego dixi, *dii* estis; tantam differentiam habet verus *Filius* ad eos, qui audiunt *fili* *Excelsi*

omnes. » Tali oppositione nominis in singulari numero *Deus* et *Filius Dei* ad nomen in plurali *dii* ac *filiī Dei* videtur sane dicere Origenes, appellationem *filiorum Dei* et *deorum* in numero solum plurali sensu improprio et analogico, in singulari vero et simpliciter nomen *Filius dei* et *Deus* non nisi sensu proprio usurpari. Clarissime s. Irenaeus de nomine *Dei* contendit, illud numquam definitive et simpliciter dici nisi de uno vero Deo, hocque ipso argumento utitur ad Christi divinitatem demonstrandam. « Neque igitur Dominus, neque Spiritus Sanctus, neque Apostoli eum, qui non esset Deus, *definitive et absolute Deum* nominassent aliquando, nisi esset vero Deus... *Nemo igitur alius*, quemadmodum praedixi, *Deus* nominatur aut Dominus appellatur, nisi qui est omnium Deus et Dominus... et huius Filius Jesus Christus... Et ipse Moyses homo Dei existens, deus quidem datus est ante Pharaonem, non autem vere Dominus appellatur nec Deus vocatur a prophetis, sed fidelis Moyses famulus et servus Dei dicitur a Spiritu. »

Haec iam inductione locorum, ubi ea nomina occurunt, demonstranda sunt.

I. Ad nomen *Deus* quod adtinet, fatetur ipse Gesenius testis non suspectus (Thesaur. T. I. p. 98. nota 1.), non solum incommunicabile יהָה sed etiam אלֹהִים numquam de singulari aliquo homine adhiberi. Assertio itaque nostra haec est: nomen אלֹהִים de pluribus simul hominibus in speciali relatione ad Deum constitutis Ps. LXXXI. (hebreo 82) 1. 6. coll. Io. X. 34. 35. et de angelis Ps. VIII. 6. coll. Heb. II. 7. 9. adhibetur quidem, quia mutatio significatiois propriae in analogam ex ipsa pluralitate facile patet; numquam vero unum aliquod subiectum nisi verus Deus ex propria ss. scriptorum sententia simpliciter et sine expressa translatea significatiois declaratione hoc nomine appellatur.

Difficultas contra hanc assertionem peti potest ex apparitione Angeli Domini קְרָבֵן in V.T. qui passim non solum אלֹהִים sed etiam יהָה appellatur. At a) ex contextibus locorum et ex magna consensione veterum Patrum probari potest, illum Angelum Domini qui hisce nominibus desi-

gnatur, esse verum Deum, illisque locis narrari 0: גָּזְבֵּעַ, quibus duas divinas personas, mittentem et missam, distinguui docemur. b) Si aliorum Doctorum sententia admittitur, qui illum « Angelum Domini » putant esse angelum creatum, etiam ita nomen Dei non angelo sed ipsis Deo tribuitur. Si enim cum Augustino (de Trin. l. III. c. 11. et alibi) et Gregorio M. (Moral. l. XXVIII. c. 1.) rem ita explices, ut Deus per ministerium angelorum efformaverit species quasdam visibles et voces sensibiles ad suam ipsius praesentiam indicandam, significatio verborum pro sua diversitate modo ad Deum referenda est, cuius praesentia indicabatur, modo referri potest ad angelum, cuius ministerio ostenta illa fiebant: « modo angeli modo Dominus vocantur, inquit Gregorius (Moral. l. c. n. 7.), quia angelorum vocabulo exprimuntur, qui exterioris ministrabant, et appellatione Domini ostenditur, qui eis interius praeerat » (1). Adeoque nomen *Deus* necessario refertur ad eum qui praeerat, non ad eum qui ministrabat.

Quod Genes. XIX. 18. duo angeli secundum praesentem lectionem appellantur nomine divino אֶלְגָּי pendet a punctis vocalibus Massoretharum, qui ita legendum esse putarunt pro אֶלְגָּי vel אֶלְגָּי. Si vero illa lectio retinetur, cum s. Iustino (dial. cum Tryph. n. 56. ad finem) is, qui dicitur discessisse ab Abraham Gen. XVIII. 33. estque Deus ipse, etiam Gen. XIX. 18. cum duobus angelis iterum Lot apparuisse censendum esset; nisi cum s. Augustino et aliis duo illi angeli potius habendi videantur due divinae personae (Aug. Trin. II. n. 20. 22). Vide de theophaniis et de Angelo Domini Tract. de Trinitate th. VI.

Reliqua, quae contra primam partem nostrae propositionis obici possent, nullius sunt momenti. Nam quod Ra-

(1) Immo Gregorius ib. n. 8 existimat, ipsas illas voces ad Christum baptizatum: « hic est Filius meus dilectus » etc. efformatas esse per angelos; attamen significatio verborum sane ad Deum Patron, non ad ministrantem angelum refertur. Etiamsi vero ibi ponas, efficientiam vocalborum immediata a Deo ipso fuisse, certe a Deo fuit non ut est persona Patris distincta, sed (utpote effectus ad extra) a Deo uno et trino; nihilominus significatio ad solam refertur personam Patris, ut est distincta a Filio et Spiritu Sancto.

tionalistae aliqui Ps. XLIV. (hebr. 45.) 7. 8. referunt ad Salomonem, manifesto absurdum est, et refutatur vel sola collatione cum Heb. I. 8. 9. Quod spectat ad textum hebreum Exod. IV. 16. (nam in Vulgata latina non est difficultas) et ad Exod. VII. 1, ibi Moyses non dicitur Deus simpliciter sed cum expressa restrictione: « constitui te *Deum Pharaonis* (scilicet Pharaoni), et Aaron frater tuus erit propheta tuus. » Proprie loquendo *Deus* potius est terminus comparationis, quam quod Moyses hoc nomine appelletur: constitui te praec Pharaone sicut *Deum* (1); nam, sicut Deus solet, imperabas ei portentis quae ipse patraturus es, et verbis quae loqueris per legatum tuum. De 1. Reg. XXVIII. 13. non est, quod simus solliciti; ab impiis enim et perterrita muliere inexppectatum Samuelis simulacrum קָרְבָּן dictum esse narrat s. scriptor, non ipse ita illud appellat.

II. Maior primo intuitu difficultas videri posset de nomine *Filius Dei*, quod frequentissime in Scripturis tum angelis tum hominibus tribui constat. Porro non est haec extrinsecus tantum adscita denominatio ex providentia et benevolentia Dei vel ex ratione creationis, sed inest sanctis angelis et hominibus dignitas supernaturalis, assimilatio ad divinam naturam per donum gratiae sanctificantis et divinae naturae participatio, qua « filii Dei nominamus et sumus, » ita ut per hanc inherarentem gratiam et supernaturalem iustitiam eximamur a naturali conditione servorum, et constituamur sicut filii ita et heredes Dei (Rom. VIII. 14-17; Gal. IV. 5-7). Ergo de unoquoque iusto verum est, eum esse filium Dei non quidem per generationem, sed per communicatam ipsi assimilationem et participationem divinae naturae, quod est generationis analogum aliquid (Io. I. 13; 1. Io. V. 1; Iac. I. 18; 1. Pet. I. 23), et ideo esse filium adoptionis. Quae ergo potest esse causa, cur multi simul tam frequenter in ss. litteris dicantur filii Dei, et cur singuli ita dici non possint? At quaestio non est, utrum singuli iusti etiam definiti ac determinati pos-

(1) Ellipsis particulae comparativae in hebreico satis frequens est. Sic, e. g. suppletar in Vulg. *sicut* passer Ps. 10. 2.; *quasi* foenus Is. 51. 12; *quasi* onagri lob 24. 5, ubi in textu heb. particula deest. Vide grammaticos.

sint ita appellari; si enim eo modo, quo dictum est, singuli sunt filii adoptivi, quis dubitet posse appellari quod sunt? Non quid per se *dici posset* sed *quid datur*, nunc quaerimus, et animadvertis in universa Scriptura diversissimum usum loquendi de Christo et de angelis ac hominibus, spectato etiam solo nomine *Filius Dei*.

Christus constanter et locis fere innumeris a Patre coelesti, a se ipso, ab angelis, ab Apostolis et discipulis, ab ipsis daemonibus tamquam nomine ipsi uni proprio appellatur *Filius Dei*, *Filius* cum articulo ὁ *victor*, *Filius dilectus*, *Filius unigenitus*; cum *Filium Dei* se manifestat, fideles procedunt et eum adorant; increduli blasphemiae accusant, ad lapides currunt, morte dignum iudicant, « quia *Filium Dei* se fecit. » Contra quantumvis angeli et homines sint filii Dei per adoptionem, quantumvis frequentissime (ultra quinquages) in plurali numero h. e. in confuso aut, quod eodem fere reddit, aliquando etiam in singulari, sed vel collective vel absque determinatione personae dicantur filii Dei; nullus unquam angelus vel homo singularis a ss. Scripturis certo appellatus reperitur filius Dei, nisi forte ratione typi, quo reprezentet ipsum Christum *Filium Dei*. Hoe factum si verum est, persuadet, nomen *Filius Dei* ubi tribuitur definitae personae, usu biblico non significare filium tantummodo adoptivum, sed habere significationem eminentem. Hanc autem non esse aliam quam *naturalis Filius Dei*, demonstrat oppositio ad filios adoptivos, quod hi non nisi per ipsum sunt filii, qui est singularis *Filius*; et quod in comparatione cum illo, ipse est *Filius* super familiam, adoptivi autem sunt servi de familia (th. II.).

Reliquum est, ut demonstremus, legem quam diximus, in huius nominis usu revera servari constanter per universas Scripturas. Numero plurali filios Dei frequenter appellari tum angelos tum homines non solum iustos, sed quandoque etiam alios ratione munerum vel specialis relationis ad Deum, sufficit dixisse.

In numero singulari nomen *Filius Dei* de angelo numero quam occurrit (1), de hominibus reperitur quidem; sed tri-

(1) Dan. III. 92 (in textu chal. 25) non sunt verba s. scriptoris
FEANZELIN, de Verbo Incarnato

plie hoc tantum modo: a) *indefinita* Sap. II. 13. 18 (1); Ecclesi. IV. 11; Gal. IV. 7; Apoc. XXI. 7. cf. 1. Io. V. 1; b) *collective* h. e. de collectione plurium Exod. IV. 22. 23; Ierem. XXXI. 9. 20. cf. Mal. I. 6. Quid dicitur Osee XI. 1. vel ad hanc vel coll. Matth. II. 15. etiam ad sequentem classem referri potest. c) *Typice* homo determinatus nominatur quidem filius a Deo ipso; sed ita ut nomen idem hominem illum significazione minus plena, simul autem Christum cuius ille typum gesserit, significazione plenissima designet. Unde in hisce exemplis tertiae classis nomen retinet suam eminentem significationem, quatenus ad Christum refertur; licet ei subiicit significatio etiam alia tantum analoga, quatenus designat hominem, qui typus est. Supposito autem hoc discrimine duplia significacionis plenissimae et minus plenae, facile intelligitur, in hisce locis nomen *Filiū Dei* formamque loquenda a Spiritu Sancto selectam esse non ratione typi (puta Salomonis) sed ratione antitypi, qui est Christus Filius Dei sensu plenissimo. Haec relatio nominis princeps ad Christum, seu quod nomen *Filiū Dei* ibi non sit positum ob eam qualemcumque rationem analogam, qua convenire possit etiam typo Salomoni, sed ob rationem propriam filiationis enuntiandam de antitypo Christo, demonstratur tum ex fine ac scopo Scripturae, qui sane potior est praedicare Christum quam ea, quae ad typum pertinent, tum ex collatione locorum, quod alibi nupsiam de homine determinato nisi de uno Christo Scriptura ita loquatur, tum denique evidenter ex doctrina s. Pauli Heb. I. 5.

Locus ad rationem hanc typicam pertinens, si verum fatur, unicus est 2. Reg. VII. 14, qui tamen repetitur 1. Paral. XVII. 13; XXII. 10; XXVIII. 6, ubi Deus sensu historico quidem de Salomone ait: « ego ero ei in patrem, et ipse erit mihi in filium »; sensu autem typico haec de Christo dici eo modo quo declaravimus, manifestum fit ex Heb. I. 5. Apostolus

sed regis Nabuchodonosor; nec angelus dicitur filius Dei, sed similis filii Dei vel deorum **אֱלֹהִים לְבָרֶךְ** De hoc confer tamen Irenaem I. IV. c. 20. n. 11. et Tertull. contra Marc. I. IV. c. 10.

(1) Si textus Sap. intelliguntur de persona determinata, ea non potest esse nisi ipse Christus coll. Ps. XXI. 9; Matth. XXVII. 43.

locum 2. Reg. VII. tamquam simpliciter pertinentem ad Christum non scens ac Ps. II. 7. citat hoc modo: « cui enim dixit aliquando angelorum, Filius meus es tu, ego hodie genui te? et rursus (cui dixit aliquando), ego ero illi in Patrem, et ipse erit mihi in Filium? » Adverte, eum esse loquendi modum Apostoli, ut non solum declarat verba citata ad Christum referri; sed etiam manifesto significet, ea de angelo et a fortiori de mero homine *per se spectato* et secundum sensum primario intentum numquam et nupsiam dicta fuisse. Quae leguntur Ps. LXXXVIII. (heb. 89) 27. 28, vel sensu immediato ad Christum pertinent, vel si admittamus, sensu historicō significari Davidem aut Salomonem, eodem modo ut antecedentia typice ad Christum necessario referenda sunt; neque enim quae ibi dicuntur magnifica, de alio quam de Messia saltem sensu pleno vera esse possunt.

Unus adhuc est locus Luc. III. 38, qui universalitati nostrae propositionis adversari videri potest. Non tamen ita est; sed immo si spectetur modus, quo Syrus interpres antiquissimus textum vertit, et quo aliqui etiam inter Patres ut s. Athanasius (contr. Apollinar. I. II. n. 1) totum locum explicant, potius confirmatur transiisse velut in communem quendam sensum christianum, ut praeter unum Christum nullus homo singularis censeatur in Scriptura dictus *Filius Dei*. Si locus sensu obvio intellectus per se inspicatur, non iam dicitur *Adam filius Dei*, sed *Adam Dei*, seu *qui fuit Dei*. In tota serie genealogica τὸν Ἰησοῦν, τὸν Μωϋσέα, τὸν Σηθόν, τὸν Ἀδὰμον, τὸν Θεοῦ hisce genitivis exprimitur pendentia et origo unius ab altero, quae quidem neque in serie hominum est ubique eadem, sed modo origo naturalis modo legalis tantum (per fictionem iuris, ut dici solet); Adami autem a Deo origo est creaturae a creatore. Unde pro re diversa supponunt genitivi illi, quando dicitur e.g. *David qui fuit Iesse*, et quando dicitur *Adam qui fuit Dei*; in priori membro intelligitur *David qui fuit a Iesse ut filius*, in altero *Adam qui fuit a Deo ut creatura*. Licet ergo in serie hominum genitivi supponant pro relatione patris ad filium (naturali vel legali), in membro ultimo quod supponit originem per creationem, nomen supplendum non est *filius* sed *creatura*.

Optime persensit Syrus interpres. Cum enim in tota serie ubique supplexset nomen *filius*, in ultimo membro locutio-
nem repente immutat hoc modo: « et putabatur filius Io-
seph, *filius* Heli, *filius* Mathat.. *filius* Seth, *filius* Adam, qui
a Deo » (1). Adeo autem iam antiquitus persuasum erat, non
posse hic admitti appellationem *filii Dei* pro Adamo; sed
hanc de una determinata persona enunciatam ad neminem
alium quam ad Christum pertinere, ut aliqui, cum putarent
in ultimo etiam membro (τον θεον, qui *Dei*) supplendum esse
filium, illud non ad Adam referrent sed ad Christum, licet
contextus difficulter et non sine aliquo artificio hanc rela-
tionem admittere videatur. In commate nimurum 23° verba
« ut putabatur filius Joseph » inter parentes ponenda
essent hoc modo, ut diceretur: Iesus erat incipiens quasi
annorum triginta (ut putabatur filius Joseph), qui (Iesus)
fuit Heli, fuit Mathat... fuit Adam, fuit Dei; atque ita
secundum assumptam naturam enuntiaretur per virginem
matrem *Filius hominis* Heli, Mathat etc. usque ad Adam,
et in ultimo inciso idem Iesus secundum divinam naturam
Filius Dei. Ita inter Patres certe contextum explicuit. Atha-
nasius l. c. « Qui Dominum nostrum Iesum Christum, inquit,
non ex *Deo* et homine unum confitentur, ut scriptum est in
Evangelio: qui fuit Adam, qui fuit Dei; dicant, quid de eo
existimant et etc.

Aliud, praeter citata testimonium ex Scripturis nullum proferri potest, ubi nomen *Fili⁹ Dei* in numero singulari videri posset de alio dictum quam de persona Iesu Christi Filio Dei naturali. Quod ergo in thesi asserimus, inductione demonstratum est.

III. Ultima pars theses est contra theoriam aliquam fundamentalē Socinianorum de nomine *Filius Dei*. Quamvis in Scripturis V. T. divinitas et divina filatio promissi Messia revelata contineatur, non tamen ea claritate et distinctione proposita erat, ut fides explicita in illam omnibus Iudeis ad salutem necessaria esset. Eo vero ipso, quod doctrina obscurius proposita, et fides explicita in di-

vinitatem Messiae esset singulare domum paucioribus conces-
sum, sane hoc sensu pleno et perfecto nomen *Filiī Dei* non
potuit esse passim omnibus notum ita, ut penes ipsum Iu-
daeorum vulgus transierit nomen proprium ad designan-
dum Messiam. Quare Sociniani, Arminiani et Rationalista
demonstrare conati sunt, reipse non eo quem diximus, sed
longe alio sensu appellationem *Filiī Dei* aetate Christi et
Apostolorum penes Iudeos fuisse communissimam ad Mes-
siam designandum, et velut unum ex aliis propriis nomi-
nibus Messiae, cuiusmodi erant « rex Israel », « propheta
venturus », « filius David ». Unde ultrem confici aint,
hunc nomini frequentatissimo penes eos, qui de divinitate
Messiae nihil cogitabant, etiam in libris novi Testamenti
significationem *naturalis Filii Dei* non subesse. Posset qui-
dem aliis argumentis facile demonstrari, admissa etiam Socinianorum assertione de usu appellationis inter Iudeos,
illationem de eiusdem significatione in doctrina Christi
ipsius et Apostolorum esse absurdam; quia tamen hypo-
thesis illa ipsa falsa est, eam sicut in thesi enuntiavimus,
impugnamus. Primum rationes proponemus, quibus negans
nostra propositio demonstratur; tum solvemus argumenta,
quibus adversarii suam affirmationem de usu vulgari ap-
pellationis *Filius Dei* probare contendunt.

1^a Quaestio non est, utrum Israelitae, qui non carne et sanguine docentes sed Patre coelesti illustrante Scripturarum sensum profundius intelligebant, vel qui doctrinam Christi ipsius iam suscepserant, cumdem quem Messiam et Salvatorem credebat, etiam erederent et profiterentur Filiū Dei, haecque nomina Christi et Filii Dei promiscue usurparunt; id non solum damus sed maxime contendimus. (Cf. Tract. de Trin. th. VI.). At nunc quaeritur, utrum illi Iudei, qui Messiam expectabant merum tantummodo hominem, nomine Filii Dei non secus ac appellatione filii David passim uterentur ad eam, quam mente conceperant, dignitatem Messiae designandam. Hoc falsum esse asseveramus.

Nam a) si appellatio *Fili Dei* inter Iudeos erat vulgarissimum et proprium nomen Messiae, qui fit ut nullus

(1) مَنْ يَعْلَمُ مِنْ أَهْلِ الْأَرْضِ إِلَّا هُوَ أَكْبَرُ مِنْهُ

Pseudo-Messias inter tam multos, qui exorti sunt, illud umquam usurpaverit aut illo appellatus sit? Cf. Origen. contra Celsum I. I. n. 57.

b) Quoties sive vulgus Iudeorum sive scribæ et legi doctores in Evangelis narrantur locuti esse vel absolute de expectato Messia vel de dignitate Messiae in ipso Iesu, toties usurpant nomina *filius David* Matth. IX. 27; XII. 23; XX. 30; Marc. XI. 10; XII. 35; aut *propheta* cum articulo excellentiae (ἕ προφῆτης) Io. I. 25; VI. 14; VII. 40; aut *rex Israel* Matth. XXVII. 42; Io. XII. 13; aut *Christus seu Messias* Io. IV. 25; VII. 26, 31; IX. 22; X. 24; XII. 34 etc. Nomen autem *Filius Dei* numquam reperitur, ubi Iudei qui doctrinam divini magistri nondum receperant, de Messia sermonem habent, nisi ita ut tamquam blasphemiam ei exprobrent, quod se dicat esse *Filium Dei* Io. V. 18; X. 36; XIX. 7; Matth. XXVII. 40. 43. cf. 54. Hac criminatione et verbis etiam dissertis Io. V. 18 ostendebant Iudei, ex sua quoque sententia nomen singularis *Filius Dei* exprimere aequalitatem eum Deo, quod ergo nec Messiae, si merus homo esset, tribui posset.

c) Hinc quaestio Caiphae Matth. XXVI. 53: « si tu es Christus *Filius Dei*, » complexa est ex duabus interrogacionibus, ut apparet ex Lue. XXII. 66-71, ubi una ab altera distinguitur. Primum enim aiunt: « si tu es Christus, dic nobis. » Postquam Dominus ad hanc interrogationem respondit: « ex hoc erit *Filius hominis* sedens a dextris Dei, » tum demum ipsi subsumunt: « tu ergo es *Filius Dei*? » Eodem modo accusationem apud Pilatum fuisse duplice, quod « dixit se Christum regem esse, » et quod « *Filium Dei* se fecit, » Ioannes nos docet Io. XVIII. 33 sq. coll. Lue. XXIII. 2. et Io. XIX. 7.

d) Sicut Iudei increduli, cum Iesus se *Filium Dei* appellabat, non quamcumque dignitatem Messiae sed aequalitatem cum Deo intelligebant, ita et multo magis fideles discipi. Ideo hoc nomine auditio procedunt et adorant Io. IX. 35-36; profitentur Christum *Filium Dei*, quia est resurrectio et vita ib. XI. 25-27; quia is est, qui de coelo descendit, quicunque dignus est absoluto mentis ac voluntatis obsequio,

quod, ut par est, praestari non potest nisi Patre revelante et trahente ad *Filium Io.* VI. 68-70; Matth. XVI. 14. 17. (coll. Io. VI. 44; Lue. X. 22). Imo etiam diserte distinguunt professionem quod Iesus est *Christus*, et fidem quod est *Filius Dei* Act. VIII. 37 (1).

Haec certe omnia simul spectata ita comparata sunt, ut quod aiunt de vulgari uso et de synonymia nominum *Christus* et *Filius Dei* penes eos quoque Iudeos, qui Christum exspectabant merum hominem, manifesto falsum esse demonstrent.

2º. Examinanda est probatio, qua adversarii, Grotius aliique suam sententiam persuadere conantur. Argumenta dicunt ex duplice testimoniorum classe; vel enim aiunt, Iesus etiam ab iis qui eius divinitatem non agnoscebant, dici consuevisse *Filium Dei*; vel textuum parallelismo utuntur, quod idem qui in uno loco dicitur *Filius Dei*, in alio parallelo vocatur *Christus*.

Verum ad priorem assertionem confirmandam nullus locus aliqua probabilitatis specie proferri potest praeter Io. I. 49, ubi professio est Nathanaelis: « Rabbi tu es *Filius Dei*, tu es rex Israel. » At (o) nulla est ratio demonstrans, Nathanaelum divinitatem in Christo non agnovisse. Nam imprimis potuit Nathanael « verus Israelita, in quo dolus non erat, » unus esse ex illis, qui Dei illustrante divinitatem Messiae cognoscebant ex revelatione consignata in veteri Testamento. Cf. de Trin. th. VI. Sed hoc etiam omissum, Iesus se illi revelavit sufficienti manifestazione externa, exhibendo ut ei congruebat, suam omniscientiam, cui nudae et apertae sint intimae etiam cogitationes; ita enim illud: « vidi te sub ficu, » explicandum plane videtur. Maxime vero sese manifestavit ei speciali illustratione interna, quae sicut generatim vocationem externam comittatur, ita cum

(1) « Credo, *Filium Dei* esse Iesum Christum. » Critici aliquam movent difficultatem contra hunc versiculum, eo quod in multis Codd. desit. At illud legit ita ut in Vulg. est, iam s. Ireneaus I. III. c. 12. n. 8: ματθείου τον διον θεον εἶναι Ἰησοῦν Χριστόν, pariterque multi Codices, Patres tam graeci quam latini non pauci et plures versiones votustae eandem servant lectionem.

vocatione discipulorum primorum certe coniuncta erat abundantissima. Praeterea b) non est necesse Nathanaeli asserere distinctam cognitionem divinitatis Christi. Si enim testimonium audivit Ioannis Baptiste: « testimonium perhibui, quia hic est Filius Dei » Io. I. 34, potuit pereclusus verbis et divina maiestate Domini Iesu omnibusque adiunctis, et excitatus gratia interna (1) prorumpere in illam confessionem, intelligens Iesum a Nazareth certissime esse eum quem Baptista dixit Filium Dei, etiamsi supponatur significationem nondum distincte intellexisse. Utraque interpretatione Patres habet auctores, et utraque derivationem confessionis Nathanaelis ex dicta illa synonymia nominum *Messias* et *Filius Dei* excludit. Hanc quippe hoc uno in loco obtrudi non posse, convincunt argumenta, quibus eam superius confutavimus.

Superest, ut dicamus de adversariorum probatione altera ducta ex locorum parallelismo, ubi nomina *Christus* seu *Messias* et *Filius Dei* aequipollentia haberi dicuntur. Conferunt Petri confessionem Matth. XVI. 16: « tu es Christus, Filius Dei vivi, » et tandem Marc. VIII. 29: « tu es Christus. » At imprimis nisi supponatur id, quod est falsoissimum, omnia scilicet quae referuntur ab uno Evangelista, debere etiam contineri in relatione alterius, inde nihil efficies. Tum vero nemo negat, christiana fide imbutos pro quibus Marcus scripsit Evangelium, nomine Christi intellexisse Filium Dei; sed quod negamus illud unus est, Iudeus solenne fuisse Messiam, quem merum hominem putarent, appellare *Filium Dei*. Contra hanc vero nostram negationem ex parallelismo memorato argumentum est nullum.

Adhuc minus valet comparatio Luc. XXII. 66. cum v. 70; nam loci nullatenus sunt paralleli; immo ex eorum compa-

(1) Manifestationem ex ipsa maiestate Domini Iesu, et quod « siderum quiddam radiabat ex oculis eius, » considerat s. Hieronymus universim in mirabilis vocatione Apostolorum. « Certe fulgor ipse et maiestas divinitatis occultae quae etiam in humana facie relinebat, ex primo ad se videntes trahere poterat aspecta. Si enim in magnete lapide etc... quanto magis Dominus omnium creaturarum ad se trahere poterat, quos volebat » s. Hieronym. in Matth. IX. 9. (T. VII. p. 50). Cf. ad Princiam ep. 65. n. 8.

ratione evincitur falsum esse, quod contendunt adversarii; de qua re paulo ante diximus. Si vero concederetur parallelismus, non aliud esset consequens, nisi quod scirerint sacerdotes, Iesum se non quomodocumque Messiam esse docuisse, et qualiter ipsi expectabant; sed docuisse se Messiam qui sit Filius Dei. Unde in hac hypothesi sacerdotes non ex sua sententia de expectata Messia, sed ex doctrina Iesu tamquam parallelas proponerent duas quæsitiones: « si tu es Christus, » « si tu es Filius Dei. »

THESES IV.

Divinitas Iesu Christi Filii Dei demonstrata ex potentia et operatione divina in ordine naturae et gratiae, quae una est in Deo Patre et Iesu Christo.

Attributa divinitatis quibus Deus in veteri Testamento Israeli sese revelavit unum verum Deum, in libris novi Testamenti exhibentur ut attributa Iesu Christi, ita ut ipse demonstraret esse idem unus verus Deus. Nominatum vero ex doctrina Scripturarum Christus 1^o est huius temporari et mutabilis universi in ordine naturali aeternus et immutabilis creator; 2^o donerat gratias et vitæ aeternæ in ordine supernaturali largitor et auctor non solus per mediationem ut causa meritoria, sed etiam ut causa efficiens et fons omnis vitæ et omnis perfectionis, quia est ipsa vita et perfectio absoluta ».

I. Indubitatum est, in Scripturis vim creatricem exhiberi ut proprium characterem unius veri Dei, et Deum Israelis frequenter in sermonibus prophetarum se demonstrare unum verum Deum hoc arguento, quod creavit coelum et terram, et praeter ipsum unum Deum nullus est creator et ideo nullus alias Deus. « Tu es Deus solus omnium regniorum terrae, tu fecisti coelum et terram » Is. XXXVII. 16. « Ego sum Dominus יְהוָה faciens omnia, extendens coelos solus, stabiliens terram et nullus mecum » Ib. XLIV. 24. « Ego ipse, ego primus et ego novissimus; manus quoque mea fundavit terram et dextera mea mensa est coelos » Ibid. XLVIII. 12.13. cf. Is. XLV. 5.6. 12; Ier. X. 10-12; Baruch III. 32-36. Unde cuicunque ex rei veritate tribuatur ea virtus et ea actio, quae est virtus et actio solius Dei, is certo est

verus Deus, non autem Deus alius et aliis sed unus solus Deus; nam « ego solus et nullus tecum dicit Dominus. »

Iam 1^o dissertis et clarissimis verbis docet nos s. Paulus, Deum aeternum et immutabilem qui in principio coelum et terram fundavit, esse Dei Filium qui nobis locutus est novissime diebus istis, qui purgationem fecit peccatorum, qui sanctificans participavit nostrae carni et sanguini factusque est frater eorum, quos sanctificavit Heb. I. 10-12. coll. I. 2. 3; II. 11-14. Comparat Apostolus angelos cum Filio Deo, in quo nobis Pater novissime locutus est, et qui fecit purgationem peccatorum, allatis Scripturæ V. T. testimonii nonnullis, in quibus de angelis et de Filio Dei sermo est. « Ad angelos quidem dicit, qui facit angelos suos spiritus... Ad Filium autem (1): thronus tuus, Deus, in saeculum saeculi.... Et (iterum dicit ad Filium): tu in principio, Domine, terram fundasti et opera manuum tuarum sunt coeli. Ipsi peribunt... tu autem idem ipse es, et anni tui non deficient. »

Verba desumpta sunt ex Ps. CI (heb. 102), cuius secunda pars est de glorificatione Sionis et conversione gentium, ut populi et reges servant Dominum; videlicet est de Ecclesiæ novi Testamenti. Incipit Psaltes hanc partem appellatione ad illum ipsum, qui aedificaturus est Sion: tu exsurgens misereberis Sion. Is autem est ipse unus verus Deus יְהוָה. « Tu Domine יְהוָה in aeternum permanes.... Tu exsurgens misereberis Sion.... Timebunt gentes nomen tuum Domine יְהוָה et omnes reges terrae gloriam tuam.... Aedificavit Dominus יְהוָה Sion. » Ad illum eundem dirigunt continenti oratione ultima invocatio, qua verbis constat a Paulo citatis: « initio tu Domine (2) terram fundasti » etc. Atqui haec dicta esse de Filio Dei Iesu Christo, disserit declarat Apostolus. Ergo ex doctrina Apostoli is est Filius Dei

(1) Προς μεν τους ἑγγελους... προς δι των ειων. Praepositio *ad* evidenter h. l. ut alibi respondet hebraico ב ant ב נ, que particulae in huiusmodi constructione significant: « de Angelis, de Filio » (Vide Gesen. Sprachgeb. §. 220, n. 2. c.).

(2) In textu hebraico psalmi vocabulum *Domine* non legitur, quod parvi refert, cum ex antecedentibus evidenter hue etiam pertineat.

ita, ut sit unus verus Deus, aeternus et incommutabilis, creator coeli et terrae, praeter quem alius Deus non est. Quamvis ergo Filius distinguatur a Deo Patre, quod quidem per se satis manifestum differimus inferius tractandum; distinctio tamen nulla potest esse ratione divinitatis, ne non sit unus Deus praeter quem alius non est; sed necessario ea sola erit distinctio, quae enuntiatur ipsis nonnibus relativis, ratione scilicet paternitatis quae est relatio principii generantis ad Filium, et ratione filiationis quae est relatio procedentis per generationem a Patre.

Eodem modo Jesus Christus, cuius sanguine in cruce pax facta est inter coelum et terram, dicitur esse ipse, in quo et per quem « condita sunt universa in coelis et in terra, visibilia et invisibilia, et in quo omnia constant » Coloss. I. 16. 17. 20.

Creatio itaque est actio ipsius Filii Dei, qui est Jesus Christus; ex paulo ante demonstratis autem virtus et actio creatrix est essentialiter divina. Atqui (ut ex Tractatu de Deo supponimus) virtus divina est una ita, ut a) repugnet eius multiplicatio, sicut repugnat multiplicatio divinae naturae; ut b) omnis actio ad extra in Deo ipso sit unus actus simplicissimus, non autem sit actio alia atque alia nisi secundum nostrum modum considerandi, quatenus unus actus ad obiecta diversa refertur. Ergo tum actio creatrix tum actus alii ad extra, quos mentis consideratione distinguimus, in Filio Dei sunt eadem numero actio ac in Patre, licet ratione originis in Patre sit non communicata, in Filio sit communicata per generationem a Patre.

2^o. Hac declaratione supposita iam etiam intelliguntur verba ipsius Christi Domini, quibus suam unitatem cum Patre ex unitate virtutis et actionis et hoc ipso suam divinitatem declarat. Ita Io. X. 28 sqq. declarat Christus in primis suam potentiam, qua ipse dat vitam aeternam et oves suas servat, ut nemo possit eas rapere: « et non rapiet eas quisquam de manu mea. » Tum ad hoc ipsum probandum explicat potentiae dari vitam aeternam, quae manifesto potentia divina est, et omnipotentiae communicacionem a Patre ita, ut omnipotentia sit in Patre et eadem tota

communicata in Filio: « Pater meus quod dedit mihi, maius omnibus est (1), et nemo potest rapere de manu Patris mei. » Est itaque manus seu potentia Filii et est manus seu potentia Patris: « non rapiet quisquam de manu mea » — « nemo potest rapere de manu Patris. » Distinctio non est in potentia; nam ea etiam, ut consideratur in Filio communicata, sicut in Patre communicante est id, « quod maius omnibus est; » sed distinctio tota in eo versatur, quod est Pater qui communicat, et est Filius, qui habet communicatione unam et canderit potentiam. Quia vero potentia in Deo est ipsum absolutum *Esse*, « quod maius omnibus » (vide Tract. de Deo), hinc sponte sequitur ultima conclusio orationis Christi: « ego et Pater unus sumus. »

Christus itaque declarat suam potentiam esse divinam ex eo, quod est potentia eadem quae est Patris; et hoc alterum explicat, eo quod Filius et Pater *unum* sunt. De hac unitate et distinctione formaliter spectata dicetur alibi, nunc solum loquimur de unitate virtutis et actionis divinae, atque ex demonstratis illud tenemus, ipsum illum Dei Filium, qui manifestatus est in carne, qui versatus est inter Iudeos, esse unum cum Patre principium sicut creatione ita omni divina operatione ad extra, ideoque cum Patre unum verum Deum; adeo ut propositio: Filius, qui in tempore caro factus est, creat, operatur divina, aequa vera sit ac altera: Pater creat et operatur; utraque autem intelligi debeat ita: unus Deus, qui est Pater et Filius, creat et omnia operatur ad extra unitate actionis tanta, quanta est unitas divinae naturae.

Hanc unitatem exprimunt Io. V. 17-21 illae Christi locutiones *affirmantes*: « Pater meus usque modo operatur, et ego

(1) Ita legitur hic textus non solum in nostra Vulg. sed eodem modo semper erat in versione latina etiam ante Hieronymum, ut demonstrant CC. latini et citationes Patrum apud Sabatier; consentit versio Coptica et Cod. Alexandrinus (4). Si legitur, ut nunc est in textu greco: « Pater, qui dedit mihi, maior omniis est; » sensus manet idem, formatum argumentum paulum immutata. Semper enim manus Filii dicitur omnipotens, sicut manus Patris omnipotens est, et ideo maior omnibus; ratio vero aequalis omnipotentiae redditur, quia unum sunt Pater et Filius.

operor... Quaecumque ille fecerit, haec et Filius similiter facit... Sicut Pater suscitat mortuos et vivificat, ita et Filius quos vult vivificat. » Idem dicitur *negative*: « non potest Filius a se facere quidquam, nisi quod viderit Patrem facientem. » Ergo in Filio (secundum illam naturam, de qua hic sermo) nulla est operatio, quae non sit operatio Patris. Hoc autem utrumque, quod nihil operari potest Filius quod non operetur Pater, et quod Filius omnia similiter operatur quaecumque Pater operatur, declaratur *ex communicatione* a Patre in Filium: « Pater enim *omnia* demonstrat ei, *quae ipse facit*. » Demonstrat ei videlicet gignendo, quemadmodum saepe Patres loquuntur, et ipsa communicatione actus substantialis, ut actus unus sit in Patre et in Filio. « Verba quae ego loquor vobis, a me ipsis non loquor; Pater autem in me manens, ipse facit opera. Non creditis mihi (gr. credite mihi), quia ego in Patre et Pater in me est? » Io. XIV. 10. 11. Verba haec Christi Domini: non potest Filius a se facere quidquam, s. Gregorius Naz. (or. 30. al. 36. n. 11) explicat praecclare: « nihil igitur (absoluti) est proprium, quia omnia communia, quia ipsum *Esse* commune est et aequale, quamvis Filio sit a Patre » οὐδέν οὐδέδιον δέτι κοινα, ἐπει καὶ αὐτὸ το ἀντι κοινον καὶ ὄμοιων, εἰ καὶ τῷ μὲν πάρα του πάτρος.

Porro ex dictis appetit, cur Christus Dominus velut synonymas adhibeat sententias: « si quid petieritis *Patrem* (1) in nomine meo, *hoc faciam*, ut glorificetur Pater in Filio; si quid petieritis *me* in nomine meo, *hoc faciam*; si quid petieritis *Patrem* in nomine meo, *dabit vobis* Io. XIV. 13. 14; XV. 16; XVI. 23.

II. Testimonia, quibus usi sumus ad demonstrandam unitatem actionis et consequenter omnis absolutae perfectionis in Patre et Filio Iesu Christo, iam exhibent Christum ipsum ordinis supernaturalis auctorem. Quia vero in praecedentibus unitatem tantummodo operationis Patris et Filii prae oculis habuimus, divinitatis character in Christo

(1) In textu greco omittitur vox *Patrem*: « quodcumque petieritis, » vel alter: « quodcumque petieritis *me*, » Non desunt tamen testes praeter Vulgam etiam alii pro nostra lectione.

sub ratione principii omnium gratiarum totiusque ordinis supernaturalis distinctius adhuc considerandus est.

Sine dubio solus verus Deus est vita, veritas, a quo tamquam a cause efficiente, et in quo tamquam in fine est creatureae rationalis vita aeterna; qui dat ipsum Spiritum veritatis; in quo solo homines possunt operari salutariter, et sine quo nihil possunt; qui dilectionem suam et inhabitacionem in cordibus hominum promittit et dat ut gratiam et munus divinum. Neque enim haec vel omnia vel singula nisi de solo vero Deo dici sine crimine idolatriae possunt. Atqui haec omnia hisque gemina multa Christus de se suis discipulis, discipuli de Christo omnibus, quos doctrina christiana instituunt, credenda proponunt et repetunt tamquam principia certissima fidei christianaee. Ergo Christus ipse et per suos Apostolos non singulis solum quibusdam sententiis, sed totius doctrinae suea complexu revelavit se ut unum verum Deum, quia solus Deus est aut esse potest auctor ordinis supernaturalis.

1^o. Christus se dicit « ipsam veritatem et vitam » (ἢ ἐδός ζὴν ἀποθετάσσει τὸν ζῶντα) ita ut, qui cognoscit et videt ipsum, cognoscat et videat Patrem. Io XIV. 6-11. « Sicut enim Pater habet vitam in semetipso (h. e. vitam absolutam et non per participationem), sic dedit et Filio habere vitam in semetipso » (vita est eadem absoluta et essentialis, sed quatenus consideratur in Filio, est communicata a Patre) Io. XI. 26. In Filio itaque est plenitudo divinitatis; neque enim aliud est ipsa veritas et ipsa vita essentialis et absoluta; et in Filio, quatenus manifestatus in carne per hanc corporalem naturam factus est visibilis, « inhabitat omnis plenitudo divinitatis corporaliter » (πωματικῶς) Coloss. II. 9. Haec quippe Apostoli expressio non melius explicari posse videtur quam ex doctrina s. Ioannis, quod, dum Filius manifestatus est in carne, ipse « vita manifestata est » (ἢ ζῶντα ἐφανερωθη): « et vidimus, inquit, et testamur et annuntiamus vobis vitam aeternam (τὴν ζῶντα τὴν ζωτικὸν), quac erat apud Patrem et apparuit nobis» 1.Io.I.2.

Iam haec plenitudo, haec vita et veritas absoluta est principium efficiens omnis perfectionis. Et si consideratur

ut est in Filio *incarnato*, nominatum est principium omnis perfectionis, omnis gratiae, et omnis vitae in ordine supernaturali; ad hunc enim restituendum pertinet incarnationis. Hinc Christus cum revelatione, qua se manifestat ipsam vitam in se, semper coniungit relationem principii ad vitam supernaturalis participatam in nobis. « Ego sum resurrectio et vita, qui credit in me..... vivet ; » ego sum panis vitae, qui venit ad me, non esuriet, et qui credit in me, non sitiet unquam ; « ut omnis qui videt Filium et credit in eum, habeat vitam aeternam »; « ego sum lux mundi, qui sequitur me, habebit lumen vitae ; » « ego vitam aeternam dabo eis » Io. VI. 35. 40; VIII. 12; X. 28; XI. 25. Ita et Apostoli constanti doctrina: « in ipso inhabitat omnis plenitudo divinitatis corporaliter, et estis in illo repleti » Coloss. II. 9. 10; « cum Christus apparuerit vita vestra » ἢ ζῶντας πάντας (al. ψυχήν); « hoc est testimonium, quoniam vitam aeternam dedit nobis Deus, et haec vita in Filio eius est; qui habet Filium, habet vitam » (τὴν ζῶντα) 1. Io. V. 11. 12; « auctorem vitae (τὸν ἀρχηγὸν τὴν ζωτικὸν) interfecisti» Act. III. 15. etc.

2^o. Christus mittit suis Apostolis ipsum Spiritum veritatis et sanctitatis, non secus ac Pater. Nam sicut Christus ait: « Spiritus Sanctus quem Pater mittet in nomine meo, ille vos docebit omnia »; eodem modo rursus ait: « ego mitto vobis a Patre Spiritum veritatis » Io. XIV. 26; XV. 26.

Est vero principium, a quo pendet haec missio, aequo Filius ac Pater propterea, quia quidquid Patris est, est etiam Filii. Hinc sicut superius vidimus omnem actum omnemque operationem Filii esse ipsum actum et ipsam operationem Patris, sed ita ut in Filio sit a Patre; sic pariter eadem virtus et operatio est in Spiritu veritatis communicata a Filio aequo ac a Patre. Haec omnia Christus de se ipso docet et credenda proponit Io. XVI. 13-15. « Cum venerit ille Spiritus veritatis (τὸν πνεῦμα τὸν ζῶντα), inquit, docebit vos omnem veritatem. » Est ergo hic Spiritus veritatis in se veritas absoluta, et principium omnis veritatis participatae sicut Pater et Filius. Ex qua autem origine sit, et unde in se habeat, ut possit docere omnem veritatem, declaratur eodem fere modo, quo communicatio-

nem actus a Patre in Filium explicatam esse vidimus. « Spiritus veritatis docebit omnem veritatem; non enim loquetur a semetipso, sed quaecumque audiet loquetur. » Ideo veritas absoluta, quae essentialiter una est et non multiplicabilis ac principium omnis veritatis participatae, non modo in Patre et Filio est sed etiam in tertio, qui est Spiritus, quis sicut in Filio ita in Spiritu est veritas communicata manens una numero: « *Spiritus veritatis* docebit omnem veritatem; non enim loquetur a semetipso. » Iam vero Jesus Christus Filius Dei est, a quo ipse Spiritus veritatis communicatam habet perfectionem absolutam, qua docet omnem veritatem. « Ille me clarificabit, quia de meo accipiet (ἐξ τοῦ ἐμοῦ ληφεται) et annuntiabit vobis. *Omnia* quaecumque habet Pater, *mea* sunt. Properea dixi, quia de meo accipiet et annuntiabit vobis. » Hinc intelligitur, Spiritum non modo esse veritatem absolutam; sed etiam relative *Spiritum veritatis*, quae *veritas* est Filius. De hac communicatione veritatis ac proinde naturae sicut a Patre ita a Filio in procedentem ab utroque Spiritum Sanctum distinctius agimus in Tractatu de Trinitate (Sect. III.).

Quod nunc ad nos pertinet, constat solius veri Dei esse dare, mittere Spiritum veritatis, qui doceat omnem veritatem, idque ita ut mittens sit principium ipsius Spiritus veritatis. Et sane haec affirmantur de Deo Patre utpote prorsus divina, quae creaturee cuiuscumque essentialiter et evidenter repugnant. Atqui haec eodem modo, quo Patri, Filius Christus Iesus sibi vindicat, et vindicat hac ratione, quod omnia, quae sunt Patris, sunt etiam ipsius Filii. Ergo verus et unus cum Patre Deus est.

3^o. Reliqua quae initio huius partis proposuimus, paucis indicasse sufficiat. Manenti in se tamquam in principio omni gratiae et vitae supernaturalis promittit Christus fructum multum; vicissim vero non manens in Christo vitam non habet Io. XV. 5. 6. Diligenti se promittit sicut dilectionem a Patre, ita pari omnino modo ut bonum supremum dilectionem suam; atque in homine dilecto et dilectorum promittit sicut mansionem Patris, ita mansionem suam tamquam unam et eandem: « qui autem diligit me,

diligetur a Patre meo, et ego diligam eum et manifestabo ei me ipsum.... et ad eum *veniemus* et mansionem apud eum *faciemus*: Io. XIV. 21. 23. cf. 1. Io. I. 3; II. 24; Eph. III. 17. Huc etiam pertinent appretationes, quibus solempne est Apostolis salutare fideles initio et fine epistoliarum: « *gratia* vobis et *pax* a Deo Patre et Iesu Christo Domino Nostro; *gratia* D. N. Iesu Christi cum omnibus vobis. » Haec vero sive per se spectentur, sive consideretur aequalitas, qua Christus Deo Patri coniungitur, dici nullo modo possunt nisi de uno vero Deo.

THESES V.

Divinitas Iesu Christi demonstratur ex cultu divino ei in Scripturis vindicato

« *Vera et unius cum Patre divinitatis ratione respondet ratio cultus quem soli vero Deo deberi et quem ad ullam creaturam transferre nefas esse constat; supremum videlicet culm adorationis, atque fidei, spei et charitatis plenissimum obsequium Christus tuum ipse tuum per suos praecomes Apostolos sibi aequo ac Patri deferendum esse docet ac praepicit. »*

I. Consideretur primum aequalitas honoris supremi et cultus adoracionis, quem Christus Iesus cum Deo Patre sibi postulat et Scripturae universae ei vindicant. Prosternatur Deus: « ego Dominus, hoc est nomen meum, gloriam meam alteri non dabo » Is. XLII. 8. Et sane constat hoc fundamentum esse omnis religionis sive sanae rationis lumine cognitae sive revelatae. « Dominum Deum tuum timebis et ei soli servies... ipse est laus tua et Deus tuus » Deut. X. 20. « Non est similis tui in diis Domine... omnes gentes adorabunt te Domine et glorificabunt nomen tuum... tu es Deus solus » Ps. LXXXV. (86). 8-10.

Atqui Christus Dominus imprimis generatum postulat, « ut omnes honorificant Filium, sicut honorificant Patrem » Io. V. 23. Ne vero analoga tantum comparatio institui putetur, huiusmodi interpretationem excludant verba ipsa; eodem enim modo exprimitur actus relatus ad Filium sicut relatius ad Patrem (ινα παντες τιμωσι τον ιησον, καθως τιμωσι τον πατερα); excludit contextus, in quo sententia citata est re-